

EU4GREEN

ZNANJE I ISKUSTVO ZA ZELENU AGENDU

EU4Green podržava Albaniju, Bosnu i Hercegovinu, Kosovo*, Crnu Goru, Sjevernu Makedoniju i Srbiju u sprovođenju Zelene agende. Cilj je stvaranje sinergije, podsticanje novih ideja, poboljšanje kvalitete odluka, kako bi se unaprijedile regulatorne reforme i ojačali monitoring i izvještavanje.

Kako bi se osiguralo vlasništva nad procesom i ojačala prihvaćenost, EU4Green će ojačati komunikaciju i saradnju između donositelja odluka, ključnih institucija i interesnih grupa u regionu.

With funding from



Funded by
the European Union



Austrian
Development
Cooperation

umweltbundesamt^U
ENVIRONMENT AGENCY AUSTRIA

KLJUČNI CILJEVI EU4GREEN-a

EU4Green će na regionalnom nivou dati svoj doprinos za oblasti:

Prelazak na cirkularnu ekonomiju: Prilagođen svakoj ekonomiji, EU4Green jača održivu upotrebu resursa i prevenciju stvaranja otpada podržavajući razvoj planova za prevenciju stvaranja otpada, unapređujući promociju cirkularne ekonomije, novih poslovnih modela i izgradnje kapaciteta.

Monitoring i smanjenje zagađenja:

- **Zrak:** u cilju poboljšanja upravljanja kvalitetom zraka, EU4Green se bavi razvojem planova za kvalitetu zraka sa fokusom na daljinsko grijanje i spaljivanje poljoprivrednog otpada, kao i na monitoring i izvještavanje o emisijama.
- **Voda:** kako bi se zaštitili vodni resursi i ojačalo održivo upravljanje vodama, EU4Green se fokusira na poboljšanje kvalitete vode kroz podršku implementaciji Direktive o pročišćavanju komunalnih otpadnih voda i Direktive o nitratima, te poboljšanje monitoringa voda.
- **Tlo:** pomažući u identifikaciji i remedijaciji difuznog zagađenja tla i kontaminiranih lokacija koje predstavljaju rizik po zdravlje i okoliš, EU4Green daje veliki značaj zdravlju tla.

Poboljšanje održivosti i otpornosti na klimatske promjene u poljoprivredi: u cilju smanjenja zagađenja i jačanja održive upotrebe i skladištenja vode, EU4Green se fokusira na efikasno upravljanje nutrijentima i Direktivu o nitratima. Projekat, takođe, naglašava implementaciju agro-okolišnih indikatora za snažnije sisteme monitoringa.

Očuvanje bioraznolikosti: u cilju zaštite ekološki važnih staništa, uz korištenje poplavnih zona u zaštićenim područjima kao primjer, identificirat će se pilot lokacije, prikupiti relevantni podaci i izgraditi baze geopodataka, specifične za projekt. Prekograničnim aktivnostima, EU4Green jača saradnju ekonomija Zapadnog Balkana u očuvanju bioraznolikosti.

Jačanje monitoringa i izvještavanja o Zelenoj agendi: kako bi se poboljšao efikasnost postojećih nacionalnih sistema monitoringa i izvještavanja o Zelenoj agendi, EU4Green analizira njihov sadržaj i razinu funkcionalnosti. Na osnovu toga će se izraditi mapa za okvir monitoringa i izvještavanja.

Poboljšanje razumijevanja Zelene agende kroz komunikacijske aktivnosti: cilj EU4Green-a je podizanje svijesti i razumijevanja javnosti o značaju i ciljevima Zelene agende, isticanjem prednosti Zelene agende i primjera najbolje prakse za njenu provedbu.

Jačanje edukacije o Zelenoj agendi: uvest će se inovativne metode edukacije, a posebno razvoj mikrokvalifikacijskih modula, u saradnji sa Inicijativom za reformu obrazovanja u Jugoistočnoj Evropi. Ovi moduli su dizajnirani tako da podstiču ključne ekološke vještine, uključujući i ključne oblasti kao što su ekološka svijest, energetska efikasnost i održiva poljoprivreda.

Uključivanje civilnog društva i drugih interesnih grupa:

cilj EU4Green-a je unapređenje znanja organizacija civilnog društva o stubovima Zelene agende i podsticanje značajnijeg uključivanja ekspertize ovih organizacija u procese donošenja odluka.

Podsticanje financiranja zelene tranzicije:

ekonomijama Zapadnog Balkana biće predložene strategije za finansiranje zelene tranzicije, sa naglaskom na održivom finansiranju, razumijevanju fondova i programa finansiranja, kao i uključivanju lokalnih finansijskih institucija. Obuke iz oblasti zelenog finansiranja će biti organizovane za javni i privatni sektor, a stimulisaće se i usklađivanje nacionalnih propisa sa regulatornim okvirom EU za održivo finansiranje.

ČINJENICE I BROJEVI

Aktivnost: EU4Green: Podrška implementaciji Zelene agende za Zapadni Balkan

Projektne regije: Albanija, Bosna i Hercegovina, Kosovo*, Crna Gora, Sjeverna Makedonija, Srbija

Trajanje: 2022 – 2025.

EU finansiranje: 10 miliona eura

Austrijska razvojna saradnja: 1 milion eura

Realizuje: Agencija za životnu sredinu Austrije

Zelena agenda za Zapadni Balkan:

Zelena agenda je strateška mapa puta za regulatorne reforme u regionu kako bi se uskladile sa ambicijama EU da poveća efikasno korištenje resursa prelaskom na čistu, cirkularnu ekonomiju, zaustavi klimatske promjene, vrati biološku raznolikost i smanji zagađenje.

* Ovaj naziv ne dovodi u pitanje stavove o statusu i u skladu je sa Rezolucijom Vijeća sigurnosti Ujedinjenih nacija 1244 i mišljenjem Međunarodnog suda pravde o proglašenju nezavisnosti Kosova.